

Imbabura - Nalita Yarishpa Dios Escribichishca - Bad Mind Scriptures

Génesis 26:35 Chai huarmicunaca Isaacpaj, Rebecapaj shungupica ninandami llaquichinajurca.

Deuteronomio 28:65 Chai llactacunapipash, na samashpami puringuichi. Cambaj chaqui tablapash, na samangachu. Chaipimi Mandaj Diosca, manllana shunguta, nali ricui ushaj ñavita, llaquilla almahan causanata cunga.

Rut 1:18 Paihuan rinayachijujtapacha ricushpami Noemica, na imatapash ashtahuan nirca.

2 Samuel 17:8 Husai shuti runaca, ashtahuan cashnatapash nircarami: — Cambaj taitapash, paipaj runacunapash ninan shinlicuna cajtaca, canllata yachanguimi. Cunangarin, huahuacunata quichupi sachapi causaj huarmi oso ninanda fiñarishcashnami canga. Chai jahuapash cambaj taitaca, ali macanajunata yachajmi. Chaimanda cunan tutaca, na gentecunahuan yalingachu.

Proverbios 21:27 Diosta na manllajcuna, animalta Diosman carashpa huañuchishcapash millanayainmi. ¡Nali shunguhuan carashcacarin, ashtahuanmmi millanayaimi!

Proverbios 29:11 Shinlli shungu runa fiñarishpaca, pai imata munashcata ruranllami. Ashtahuangarin alipacha yachajushca runaca jarcarinmi.

Ezequiel 23:17,22,28 Chashnami Babilonia llactamanda runacunaca, pai juyarishpa sirijuna camapi paipi chayashpa mapayachirca. Shinallata paipash, chai runacunahuanmi mapayarca. Chashna rurashpami paipaj shungupica, chai runacunataca millanayachirca. 22 Aholiba huarmilla. Shinamandami Mandaj Jatun Diosca, candaca cashna nin: “Ricui, cambaj shungupi millanayachishca, cambaj juyashca runacunatallatami, canda llaquichinajuchunga cachamusha. Shinallata cambaj muyundita shamuchunmi cachamusha. 28 Ashtahuangarin Mandaj Jatun Dios ñucaca, cashnami nini: Ricui, candaca can na ricunayachishca runacunapaj maquipillata, cambaj shungupi millanayachishca runacunapaj maquipillatami churani.

Ezequiel 36:5 Shuj llactapi causajcunapash, Edom shuti llactapi causajcunapash, ñuca llactataca tucui shunguhuan cushijushpami, quichurishpa japinajurca. Chaipi causajcunataca, ninandapacha fiñashpami, prezu apanajurca. Shina rurashcamandami, ñucaca nina rupajunshna ninandapacha fiñarishpa rimarcani. Mandaj Jatun Dios ñucami, chashna nini.

Ezequiel 38:10 Mandaj Jatun Diosca, cashnami nijurca: “Chai punllapimi, cambaj shungupica, nali shimicunata rimana yuyaicunalla jundanga.

Daniel 5:20 Ashtahuangarin paipaj shungupi jariyashpa, paipaj yuyaipash

jariyashpa, ninan shinlli shungu tucushcamandami, paipaj llactata mandangapaj tiarinataca quichui tucurca. Pai jatun cashcatapashmi, quichui tucurca.

Lucas 12:29 Cangunaca, ima micunamandapash, ima ufianamandapash na musparinachu canguichi. Na chaicunamandalla imatapash ninanda ruranata yariashpa llaquilla purinachu canguichi.

Hechos 12:20 Jatun mandaj Herodesca, Tiro shuti, Sidón shuti pueblocunapi causajcunahuan ninanda fiñarishcami carca. Chashna cajpimi, chai pueblocunapi causajcunaca, shujllashnalla yarishpa, chai mandajpajman shamurca. Paicunaca, Herodes churashca Blasto shuti mandajman culquita pacalla cushca jipami, Herodes runahuan casilla ali causaita charingapaj nishpa shamunajurca. Chai llactapica, jatun mandaj cachajpillatami, micuna tian carca.

Hechos 14:2 Ashtahuangarin Judea llactamanda na crijcunaca, crijcunata llaquichingapajmi, na israelcunaman huagli yuyaита cushpa pandachinajurca.

Romanos 1:28 Paicunallata Taita Diosta catingapaj na munajpimi, paicunapaj yuyaipi yarishcata rurashpa causanajuchun, Taita Diosca saquirca. Napash ruranacunatara ruranajuchummi saquirca.

Romanos 8:6,7 Quiquin munaitalla rurashpa causanaca, huañushpa chingagringapajllami. Ashtahuangarin Diospaj Espíritu munashcattalla rurashpa causanaca, causaigutapash, casilla ali causaitapash charinami. 7 Quiquin munaitalla yarishpa causanaca, Taita Diosta fiñachishpa causanami. Chashna causashpaca, Taita Dios mandashca shimitaca napacha cazui ushanllu. Cazungapaj munashpapash, na ushanajunllu.

Romanos 11:20 Ari, chashnapachami. Israelpunaca na crishpami, cuchushcashna tucushca. Ashtahuangarin canga crishpallami, chai cuchushcapi viñachun churai tucushca cangui. Shina cashpami na jariyashpa, aliguta yarishpa causana cangui.

2 Corintios 10:5 Taita Diosta ama rijsichunmi, ninanda jariyashpa nali yuyaicunata cushpa jarcariajun. Paicuna tucui imata yarinajuitapash, Cristo prezu apanshna cazuchishpa charichunmi, paiman cushpa saquinchi.

2 Corintios 11:3 Ashtahuangarin caitami manllani: Imata umachinata ali yachaj culebra, Eva huarmita umachishcashna, cangunapash chashnallata umachijpica, Cristota na tucui shunguhuan juyashpa cazungachu yashpami manllani.

Efesios 2:3 Ñucanchipash tucuillami pundaca, paicunashnallata nali munaicunatalla rurashpa causarcanchi. Chashna nalitalla rurangapaj yarishpami, ñucanchipaj munaita rurashpa causarcanchi. Juchayu huacharishca cashpami, Dios ninanda fiñarishpa llaquichipí, caishujcunashnallata llaqui tucunapacha carcanchi.

Efesios 4:17 Apunchi Jesús ñucata mandajpimi, cangunataca cashna nishpa mandani: Caishuj na israelcunashnaca, na ashtahuan causanachu canguichi.

Paicunaca, yanga imatapash nalitalla yarishpami causanajun.
Colosenses 1:21 Cangunapaj yuyaipi imatapash nalita yarishpa, nalita rurashpami, pundacunaca Diosta na rijsishpa, fiñashpa chingashca causarcanguichi. Ashtahuangarin cunanga, Dioshuan cutin ali tucuchunmi,
Colosenses 2:18 Angelcunata yarinchimi nishpa, na jariyaj tucushpa, jahua shungulla yachachijcuna canguna juyaillaguta japigrinatara saquinguichinman. Napash ricushpatami satirishpa, paicunapaj shungu yarichijpilla, ninanda punguinshna jariyashpa purinajun.

- 1 Tesalonicenses 5:14 Huauquicuna, panicuna, yanga yanga causangapaj munajcunataca, shinlli tacurichunmi ninanda mañapanchi. Shinallata na catinayanllu nijcunatapash ayudapanguichi. Nara ali shinlli crijcunatapash yachachipanguichi. Pitapash ama ñapash fiñashpa yachachipaichi nipanchimi.
- 2 Tesalonicenses 2:2 Canguna aliguta yarinajushcataca, na ñapash cunganachu canguichi. Diospaj Espituhuanmi villajuni nijpipash, imata parlashca shimita uyashpapash, ñucanchi cachamujpishna cartata cachamujpipash, na pandarinachu canguichi. Apunchi Jesús shamuna punlla chayamujunmi nijpipash, na pandarinachu canguichi.

- 1 Timoteo 6:5 Chashnacunaca, na llullashpa villajuj shimitapash saquishpami, runacuna imatapash huaglita villashcatalla yarinajun. Chashna cashpami, fiñanajushpa rimanatalla yariashpa causanajun. Chashnacunaca, chariyangapaj munashpallami, Diosta catinchimi nij tucunajun. Chaicunahuanga, ama tandanajunguichu ninimi.
- 2 Timoteo 3:8 Imashnami Janes shuti, Jambres shuti runacunaca, Moisesta na cazurca. Shinallatami runacunaca huagli yuyaita charishpa, na llullashpa villajuj shimitaca, na cazunajun. Chashnacunaca, nalitalla yarij cashpami, critapash napacha ushangha.

Tito 1:15 Imatapash alitalla yarishpa causajcunapaca, ima cashpapash alimi. Ashtahuangarin na crishpa, imatapash huaglita rurajcunapaca, ima cashpapash nalichu. Paicunapaca shungupash, yuyaicunapash huaglitallami yarinajun.

Hebreos 12:3 Juchayu runacuna ninanda llaquichijpi, ninan llaquita apaj Jesustami yarina canguichi. Na shaijushpa na cungashpa, cushijuita japiashpami catina canguichi.

Santiago 1:8 Ishcai shungu tucushpa mañaj runaca, imata rurashpapash, aliguta causaitaca na ushanllu.